

Quiescat liquor per nycthemerum, quem
dein filtra, & ad cuticulam evaporatum in
cella pone, ubi concreſcent cryſtalli a Sale
communi repurgatæ, quas ſerva.

NITRUM PRÆPARATUM

sive

LAPIS PRUNELLÆ.

℞. Nitri crudi libr. j.

Fluat in crueibulo vel in ſartagine ferrea
igni impoſita, atque tunc ſucceſſive injiciatur

Florum Sulphuris unc. j.

Maſſa demum effundatur guttatim in lami-
nam metallicam politam, vel in tabulam mar-
moream, ut ſub Rotularum forma concreſcat.

OLEA DESTILLATA

ÆTHEREA.

OLEUM ABSINTHII.

℞. Herbæ Abſinthii cum floribus q. ſ.

Adfunde octuplum aquæ communis, & de-
ſtilla ex veſica, donec nullum amplius eleve-
tur oleum, quod ab aqua ſeparatum ſerva;
aquam vero deſtillatam novo Abſinthio adfun-

de, rejecto priori, iterumque destilla, idque toties iterando, donec sufficiens habeatur olei copia, quæ in vasis vitreis bene clausis asser- vanda.

Hoc modo parantur

OLEUM FLORUM CHAMOMILLÆ.

LAVANDULÆ.

FOLIORUM MENTHÆ.

ORIGANI.

ROSMARINI,

RUTÆ.

SABINÆ.

TANACETI.

OLEUM ANISI.

℞. Semen Anisi q. pl.

Contufis adfunde aquæ communis sexa- plum, macerentur per duodecim horas, dein destilletur sub continua aquæ ebullitione oleum, quod ab aqua debite separatum fervetur. Aqua vero prolecta ad iterandas super novis Seminibus destillationes, ut supra monitum, ad- hiberi potest.

Pari

Pari modo destillantur

OLEUM SEMINUM ANETHI.

CARVI.

CUMINI.

FOENICULI.

BACCARUM VIRIDIUM JUNIPERI.

OLEUM AURANTIORUM

CORTICUM.

℞. Corticum Aurantium recentium q. f.

Cum quadruplo aquæ instituat illico destillatio ex cucurbita vitrea. Oleum & Aqua destillata servantur seorsim.

Eodem modo destillatur

OLEUM CITRI CORTICUM.

OLEUM CARYOPHYLLORUM.

℞. Caryophyllorum contusorum q. v.

Macerentur per nycthemerum cum quadruplo aquæ communis, dein instituat destillatio per retortam vitream ex arena ad dimidium. Oleum, quod aquæ fundum petit, ab aqua separatum serva, aquam vero eandem Caryophyllis in retorta relictis reafunde, iterumque destilla, ut, ubi adhuc olei

N 4

por-

portio prodiit, obtineas cum priore servandam.

Pari ratione parantur

OLEUM CINNAMOMI.

LIGNI SASSAFRAS.

MACIS.

NUCIS MOSCHATÆ.

OLEUM PETRÆ ALBUM

NAPHTA vulgo.

Hoc oleum, quum rarissime in officinis habeatur nativum, atque parari potest sequenti modo.

℞. Olei Petræ flavi aut rubri q. pl.

Inde retortæ vitreæ capaci; adfunde aquæ communis circiter decuplum, & excipulo applicato juncturisque clausis destillationem insitue ex Balneo arenæ. Prodibit initio cum aqua oleum limpidum excolor, quod ab aqua separatum in vitro bene clauso asservandum.

OLEUM SIVE SPIRITUS

TEREBINTHINÆ.

℞. Terebinthinæ part. j.

Aquæ communis part. vj.

In-

Instituatur destillatio. Oleum destillatum ab aqua simul prolecta separetur, & fervetur.

Terebinthina in vase destillatorio restans TEREBINTHINA COCTA audit, quæ etiam in suos usus est fervanda.

Pari modo paratur

OLEUM PINI EX RESINA LIQUIDA.

OLEA DESTILLATA

MAGIS MINUSVE EMPYREUMATICA.

OLEUM BUXI

℞. Ligni Buxi in frustra minuta scissi q. s.

Immitte retortæ vitreæ, & igne gradatim aucto, instituatur destillatio. Oleum a liquore aquoso simul prolecto debite separatum fervetur.

OLEUM CORNU CERVI.

Acquiritur sub destillatione *Spiritus Cornu Cervi*, quem vide suo loco.

OLEUM LATERITIUM

vulgo

PHILOSOPHORUM.

Fruſta laterum bene ignita imbuantur Olei Olivarum ſufficienti quantitate, ac in retorta vitrea ex arena deſtillentur ſenſim ignis gradu aucto, ad omnis Olei expulſionem.

OLEUM SUCCINI.

℞. Succini rafi q. v.

Solum vel cum arena commiſtum inde retortæ vitreæ, & gradatim deſtilla. Prodiſcit primo liquor acidulus cum paucis oleo flavoſcente; ſequitur dein oleum flavum ac portio falis; tandem oleum ſubrubrum majorque falis copia forma cryſtallina. Sal ſeorſim aſſervandus. Oleum vero ab acidulo liquore ſeparatum ex cucurbita vitrea rectificandum, & aſſervandum.

Pari modo deſtillatur

OLEUM CERÆ.

At hic fal nullus obtinetur.

OLEA

OLEA PRESSA.

OLEUM

AMYGDALARUM AMARARUM.

℞. Amygdalarum amararum. q. v.

Redigantur in pulverem rudem, includantur
facculo linteo, & sub prelo modice calefacto
omne exprimatur oleum.

Ea ratione parantur

OLEUM AMYGDALARUM DULCIUM.

NUCUM.

SEMINIS HYOSCYAMI.

LINI.

PAPAVERIS.

OLEUM BACCARUM LAURI.

℞. Baccarum Lauri recentium & bene matu-
rarum q. ℥.

Contusis adfundatur aquæ communis suffi-
ciens quantitas, cum qua bulliant media circi-
ter hora in vase, ne tamen aquæ evaporatio
nimis violenta sit, leviter tecto. Liquor bul-
liens percoletur fortiterque exprimatur, in
cujus frigefacti superficie oleum hærebit odo-

ra-

ratum Butyri consistentia, quod inde tollendum & asservandum. Restantes post expressionem Baccæ denuo excoqui, ut prius exprimi, ac operationes hæ repeti eo usque possunt, donec nullum amplius hoc modo oleum obtineatur.

Nuces rectius quam *Baccæ* dicerentur Lauri fructus ex eo, quod maxima dumtaxat olei ita obtenti copia in dictorum fructuum nucleis contineatur.

OLEUM NUCIS MOSCHATÆ.

℞. Nucum Moschatarum q. pl.

Contusæ & modica aqua calida irrigatæ ope preli calefacti oleum inde exprimatur.

Hoc ut etiam præcedens oleum raro in nostris paratur officinis; sed ambo communiter aliunde allata leviori emuntur pretio.

OLEUM OVORUM.

℞. Vitellorum Ovorum ad duritiem coctorum q. v.

Contriti torreantur in sartagine lento calore sub continua agitatione, donec pinguedinem exsudare incipiant; tunc adhuc calentes linteo

in-

includantur, indeque intra calefactum prelum
exprimatur oleum.

OLEA COCTA,

sive

INFUSA COMPOSITA.

OLEUM COLOCYNTHIDIS

COMPOSITUM,

sive

HABACUCINUM *vulgo dictum.*

℞. Herbæ Absinthii recentis unc. vj.

Radiciſ Gentianæ unc. iij.

Hellebori nigri.

Pulpæ Colocynthidis ana unc. ij.

Aloës.

Fellis Tauri inspissati ana unc. iβ.

Seminum Cinæ.

Foliorum Rutæ ana unc. j.

Incisis ac contufis adfunde

Olei Olivarum fervidi libr. iv.

Macerentur per dies octo, dein facta una
aut altera ebullitione ad humidi abſumptionem
coletur oleum, cui refrigerato admisce

Olei

Olei Petræ rubri unc. iv.

Spicæ unc. iß.

Et serva.

OLEUM HYPERICI.

℞. Florum Hyperici recentium libr. iij.

Croci dr. iij.

Olei Olivarum libr. vj.

Macerentur simul per octo dies, factis tandem aliquot ebullitionibus forti expressione oleum coletur, ac clarum dein a turbido per inclinationem separetur, in quo solvatur

Terebinthinæ libr. iß.

Et fervetur.

OLEUM VIRIDE.

℞. Herbæ Valerianæ cum radice.

Cardui benedicti.

Anethi ana recentis unc. iij.

Graminis.

Centaurii minoris cum floribus.

Hyperici cum floribus.

Baccarum Juniperi viridium ana recentium
unc. ij.

Incisis ac contufis adfunde

Olei olivarum fervidi libr. xij.

Ma-

Macerentur per octo dies, facta dein una alterave ebullitione ad humidi consumptionem coletur oleum, & colaturæ adde

Olibani.

Mastiches ana libr. β.

Terebinthinæ libr. j.

Stent per aliquot dies in calida digestionem, & fervetur oleum.

OLEA COCTA,

sive

PER INFUSIONEM PARATA

simplicia.

OLEUM ABSINTHII COCTUM.

℞. Herbæ Absinthii recentis libr. j.

Infunde cum

Olei olivarum fervidi libr. iv.

Macerentur simul per octiduum in vase tecto, ebulliant dein parumper, & Oleum per linteum illico exprimatur, & fervetur.

Ita parantur

OLEUM HERBÆ ANAGALLIDIS.

ANE-

ANETHI.

HYOSCYAMI.

FLORUM CHAMOMILLÆ.

LILIORUM ALBORUM.

VERBASCI.

OLEUM MOMORDICÆ.

℞. Fructuum maturorum Momordicæ balsami-
næ libr. j.

Olei olivarum libr. ij.

Stent per octiduum in loco temperate cali-
do, factis dein aliquot ebullitionibus ad absum-
tionem humidi coletur, & fervetur oleum.

OLEUM SCORPIONUM.

℞. Scorpiones vivos numero centum
Suffocentur in

Olei olivarum libr. ij.

Macerentur in vase vitreo clauso per men-
sem, & oleum fervetur.

OXYMEL COLCHICI.

℞. Aceti Colchici part. j.

Mellis part. ij.

Coque in justam consistentiam Mellis.

Pari modo fiunt

OXYMEL SCILLITICUM.
SIMPLEX.

PILULÆ ANETHINÆ.

- ℞. Aloes succotrinæ.
Diagrydii
Trochiscorum Alhandal ana unc. ij.
Resinæ Jalapæ unc. iβ.
Extracti Hellebori nigri unc. j.
Pulverata misceantur, & cum *Spiritus Anisi*
sufficienti quantitate fiat massa pilularum, adden-
do in fine
Olei Anethi destillati dr. iβ.

PILULÆ BALSAMICÆ

MORTONIANÆ.

- ℞. Millepedum præparatorum unc. iβ.
Gummi Ammoniaci dr. vj.
Florum Benzoes scrup. viij.
Pulveris Croci.
Balsami Peruviani nigri ana dr. j.
Olei Anisi dr. β.
Syrupi Diacordii q. s.
Misceantur, & fiat massa pilularum.

O

PI-